

春 閣 雜 詠
聽 雨 樓 詩



春

詠

袁昶著

中華書局

叢書集成初編

春闈雜詠（及其他一種）

中華書局出版發行

（北京王府井大街三十六號）

秦皇島市資料印刷廠印刷

一九八五年北京新一版

開本：七八七乘二〇九二毫米三十二分之一
統一書號：一七〇一八·一五一

春
闌
雜
詠

此
據
漸
西
村
舍
叢
刊
本
排
印
初
編
各
叢
書
僅
有
此
本

春闈雜詠一卷

清 袁 昶 著

題舊林所臨秋山晴靄卷三月朔

精舍枕疏峰。流泉挂高樹。烟霞不可卽。似有幽人住。高標寄物外。妙境發深悟。岫翠若浮空。微茫采藥路。疑聞寒犬吠。復入青蘿去。有客度溪橋。窅然無所遇。將毋鹿門翁。併棄魚釜具。無錢買山隱。此亦栖真處。便欲老其閒。靜參楞伽句。安知春與秋。世法如草露。爲問青楓林。巖前紅幾度。

倚伏

倚伏世機誰曉。參差物論難齊。須鑒冥鴻失路。甯從黃雀卑栖。

咏融齋老人逸事并序

同治七年。先師融齋老人主講龍門精舍。臘底將歸興化掃墓。權使者爲買大舟資之行。先生堅卻不受。呼僮別賃一行。櫟子。篙師裁二名。桅高於頂。篷裁及肩。僂俯而入。不可詘伸。有似石室。前後洞然。抱膝促坐。僅容二人。卷舒臥具。衾綻枕穿。予送先生至黃浦江畔。磬折隨入舟。撰杖問答兩炊時許。顧謂渡北江時風浪惡。舟小如葉。何以禦之。先生怡然。旣而笑曰。若無憂。遇晴明則徑渡。如守風待風。平浪靜時。自然得渡也。觀先生之立身如此。迴憶先生立朝日。佩玉而形若槁木。對越而心存。

嚴師神理貫澈。抑可知矣。適坐車中。風景宛似小舟。忽憶吾師事。追述短章。

青鵠白鵠。舫喧呼何郡郎。緬惟賈充輩。修禊洛水旁。凝妝曜朝日。繁吹蕩人腸。見譏夏仲御。慙慙小海唱。櫂彼炙手熱。未死魄已僵。吾師隱无名。拂衣謝時會。俯冥物論齊。仰觀天宇大。金石不能焦。兕刃不爲害。純白守真常。世樂盡淘汰。常於空寂光。坐發鸞聖籟。勿嗤行艤小。可遊六合外。雙丸入船窗。五緯爲之蓋。太虛作明燭。清輝映藻績。奢者心常貧。儉者心常泰。飄然獨往來。輕颺出煙靄。其事可以風。颯然破昏昧。故相朝邑閻公挽詞。

匡泐方期仗國工。翩然初服兩疏同。生晞表聖蕭閒墅。沒有韓城骨鯁風。砥柱能迴狂浪止。練衣誰識隱憂忠。知公不死留元氣。嶽黯金天箭筈通。

附錄

祭故相朝邑閻公文

嗚呼。孟子有言。豐年當斂。凶年當斂。理財之政。兩言蔽之。食貨志謂狗彘食人食爲豐年。而不知檢檢當時斂散之術。以御百物之輕重。與時消息。而生財耗財之差數。視焉。國無三年之蓄。則坐失金城。與湯池。宜籌積儲。賈生矢辭。方今杵軸其空。四海困瘁。黔首無資生之具。左藏乏貫朽之費。內疲於租庸。征權。外困於互市。漏卮。石甕。徙而物力耗。前明嘉靖中事。西園霽而名器漓。下繭絲以重困。上累卵以阽危。迴視公當國之日。判三司之度支。儉以率物。明以燭欺。墨吏望風而嚳走。封樁鑄識而罔私。簿元和之國計。綜名實以慎持。夢錢流於地上。洞利

敗以精思。非刻苦如晏墨。則無以嗇天地之藏。非心計如研桑。則無以蘇鹽鐵之疲。非嚴効交代。賊污不足。以肅萬吏之氣。非擯絕苞苴竿牘。不足以嚴一心之師。嗚呼。公之學術。甯陵呂叔于清端公等夷。公之誠信。格於蒼龜。布衾疏櫪。竹杖芒屨。室無姬侍。庭不糞治。妄人竊議其矯情鎮物。識者謂其始終一節。歷夷險而不衰。立朝則手治吏牘。雞鳴而不息。退居則日抱遺經。洛誦而忘飢。論公之介立獨行。赫乎康熙諸老之遺。故能邁益陽之薦疏。結定陵之睿知。清理楚漕。軍儲胥印。以供給。撫綏齊境。帑藏充牣。而具宜。再辭冬官之貳。迹恥苟進。足以藥僉衷之火馳。復起長金穀之部。義不媿安。足以鉅怯夫之飢餓。冰蘗之苦口。無以喻其節操。雕炙之游談。不足犯其藩柵。朝廷如得公十數輩。則風俗之廓清可期。嗚呼。越事震業。公參帷幄。遂躋爰立。金甌協卜。旋乞病以堅辭。荷聖慈之賜沐。將矜式乎國人。退蕭然而野服。娛晨夕以經史。貫誦數以往復。閒及於楚詞陶詩。得機趣而憺焉自足。昶爲門吏。謬蒙刮目。程以魚鱗之冊籍。責以會計之叢錄。公之在朝。未敢投謁以私干。泊乎退居。屢得過從而論學。飲以焦革之酒。母飯以寒泉之脫粟。帷弊於范氏之墨帳。杖古於衛公之方竹。婆娑一室。有似空谷。體忘物我。理齊淹速。語及時事。幽憂根觸。顧謂中條之東。有王官之邃谷。竹樹溪流。蕭慘洄洑。乃司空表聖之舊隱。弊廬茲焉卜築。旋祖帳于西門。賦遂初以戒夙。避朝士而犢車遽發。占飛遯而九師神告。歲在屠維赤奮。公以光緒十四年戊子臘月以病涎乞致仕十月五年己丑四月初二日。出都歸於虞鄉僑第。歸田園以止足。帝賜以蒲輪之車。實以芰製之服。敕所在使護行。緩吉郵以禮篤。公乃辭傳車之勤符。載匱書以蜷局。戒勿通候吏一刺。行李蕭然而抱樸。豈兩疏之可方。欣一邱之從卜。

方期祝嘏。甲午公來。公去國日言甲午年當以祝盤入都何意三載。梁木遽摧。風雲變色。金石流哀。國翳著鑑。士失杓魁。公之風節。非史筆所能殫。公之苦心。與日星而昭回。有羈卑秩。公疾勿譴。殯不執紼。奠不捧鼎。漢吏赴義。絮酒濯濯。河聲嶽色。瞻望若灰。援筆申懷。不知所裁。孰知予痛。木稼山積。具官門吏。昶再拜譔。

清明前二日分斟入闌口占

依倚台衡。乘至公。坐令朽質發孤蒙。聯翩似入青油幕。呼吸疑通紫府宮。虛鑑真慚多翳障。奇葩那免墮蒿蓬。諸君皆挾人天眼。禿我中書老不中。

卽景漫題

卻如三日新爲嬾。閑置房櫳不自由。退院納應時入定。漉巾醪亦可消憂。乍看供帳行饕餮。忽見修槐大蔽牛。屋後有老槐一株簾外飛塵眞望雨。隔林試聽一聲鳩。

同治壬戌三月。今大司農翁公分斟禮闈。手拓錢湘吟侍郎研背禊帖裝池成軸。今再奉命典會試。歲逢壬辰。此拓本閱世遂已三十一年矣。出以命題。泚筆奉呈。

游絲乳燕春將晚。綠字裝題痕不損。裁過禊日鑲闌閑。似挾湍流帶天遠。研今流落歸誰何。留迹房公池上鵝。錢少寇於辛巳冬下世迴首卅年燈火冷。鬢絲出此三摩挲。冶城太傅高一世。筦領春闈拔幽滯。公今臂痛廢書時。業几山陰弢筆勢。前塵影事認泥鴻。嚴柝重門月又中。未遣臨河敍幽興。轉煩磨墨費良工。戲張短幅高堂壁。香篆烟燼看妙迹。欹斜不數徐青藤。肥瘦從評姜白石。往年見天池山人一研長幾徑尺廣半之續刻禊會中三十餘人景物亦略具

研背及四
側皆滿

玉躡青霞氣鬱蒸。捫之紙上若有棱。揭精與研俱長久。過眼雲烟感豈勝。涉時霖雨丹青手。偶託閒情記薜蘿。催詩還似永和年。授簡因傾缸面酒。

屋後老榆一株扶疎直上未芽時。誤以爲槐也。今始覺之以志吾過。

鵝眼裁堪認。鼠耳漫相猜。智真昏菽麥。燧不辨榆槐。天上傳殊種。人間寄散材。笑予頑鄙甚。混沌幾時開。

春霧窗外桃花初放

連朝春暖氣融融。蒸出深紅與淺紅。不去江南秀籬落。卻關深院獨搖風。忽作重霧不放晴。洞門對露薄寒生。恍如玉女窗中見。襯得桃花分外明。

戴青來太史爲虞山尙書畫吳中山水

至人觀身若槁木。迹寄禁近猶深山。錯陳萬物虻雀過。湛然不損三重淵。公之襟抱在邱壑。風節內斂窮躋扳。畫簾官燭鑪熏炷。顧謂著作濡柔翰。閉門滂礪解衣坐。霜豪拂紙意匠殫。神疑法具始一掃。結搆拂水支礪閒。層嵐衆皴出寸碧。溪流竹樹縈迴環。勝因宜著茆一把。瓜牛岑起枕屏顏。寶帶萬釘誠可脫。良田二頃求非謾。石蘿拂黛出點綴。無窮景氣來蕭閒。澗上徐生供藥採。中峰蒼雪常撻關。村莊紅豆有遺迹。戲和馮鈍偕松圓。戴君受筆鹿床叟。青來文節公之孫白雲堆裏花隴地名。薤清寒。鑲闌畫竹成往跡。湘鄉曾文正公集有試院乞文節畫竹詩二首風流賡續五十年。虞山老人修故事。授簡趣作青琅玕。歲周兩典南宮試。不遣幽桂遺榛菅。文書如山堆戢戢。忽憶一髮東吳鬢。過家賜沐甫三載。夢中略記招真壇。梁簡文帝有虞山招真治碑時方釣築起賢輔。

未許薜衣冠籜冠。臥游聊當轉一壑。荆公詩。豈意暮年專一壑。松花秀色還堪餐。卻慚劣句綴紙尾。有似寒具覲其端。

又代雲曙作一首

靈境搆意匠。清暉照冲襟。眷言丹青手。寄寓蕭寥心。綠竹翳枉渚。長松冠遙岑。誤因茶銚沸。顧謂流泉音。疑有鹿皮子。結隱穹巖深。茗茗灑水曲。槭槭挂瓢林。鐫院盛品藻。謝傳出碎金。衆流旣在冶。餘興愜抽簪。誰識虛深意。琴德抱惓惓。

醉後吟

如是如是无垢緣。達哉達哉能樂天。夜燃松節乍聞道。朝餐桃花初入禪。韭盤食品廿七種。麴生風味三百錢。軋苗能令試官縮。冬烘從諛聲郎偵。幾日捉將官裏去。鮎竿那得辭拘攣。薑芽草隸信手抹。下方羅趙雜醜妍。扣門索通倨堂應。落紙亦復生雲烟。去年壺公遺刀布。今茲餅叟佐槩鉛。從茲卜它約蒿隱。買田三泖茅一椽。薦士覬得麟一角。觀生已似蠶三眠。人生適志自可樂。勿遣外物相煩煎。此時若復不快飲。落花如雪春風顛。

夜坐

油燈如霧幾重遮。細字牛毛未有涯。人似寒巖倚枯木。書真餓隸出嚴家。誤批紙尾終招罵。春去遨頭亦已賒。病眼辛花還自笑。看山可復起雲霞。李供奉云。他人之文如山無烟霞。春無草木。

愍早

今年春種不入土。羸壤朝朝刮旱風。似我無田猶望雨。飢腸何況老村農。

簡朱叔基沈子封兩太史

去年同作蹋青客。今日花開把琰同。同社不寒牛酒約。望衡真對鹿門翁。偶然示疾持千偈。叔基疾三日不出戶。不憚披榛采一叢。仗有兩公巖電爛。自堪鞭淬起庸工。

再咏桃樹

風來露井上。吹折幾枝殘。卻憶金閨裏。何人共曉寒。

題齋壁

雖然殊火宅。亦豈是涼臺。迹晦無喧寂。心明斷去來。堂前行不到。盧居士參禮黃梅五祖事。牀下已生苔。一片飛花急。機真透溼灰。

批卷

瓠材非不枵然大。蘭性由他薰自燒。生殺機關都不管。手如雨點白珠跳。

權實對勘

權實相對治。究亦無權實。如不信吾言。請問老黃蘗。

戲咏藍筆以呈子封太史一笑且索和

頗疑盧杞面。闖入蔚藍天。又似藍田叔。濃描輞口川。出青誠可望。字綠豈能賢。國初人朱書字字綠。那得雲藍袖。添

香爲壁牋

東坡公與人赤牋云。僕南遷以來。似退院病衲。百念灰冷。習禪定持戒久矣。然公向所見雲藍小袖者。昨輒生一子。公聞之。當大笑也。

不佞自爲諸生卅又三年。困場屋者屢矣。對茲落卷。戢如筭束。不勝怛怛然奉慰以詩。

春江水暖不關鵝。或似毛公律太苛。過眼恐迷佳賦筆。相皮兼畏故人訶。但令壽可三松倒。會看鋒終八面磨。猶記春明門外夢。南華悔讀幾焚和。

附錄

遇合論

場屋之文。或遇或否。或奇或偶。機有迎劑。志有通閔。雲譎波詭。千變萬態。莫可究詰。傳曰。獨陰不生。獨陽不生。獨天又不生。物必三合。然後生。瘠乎微哉。遇合之故。消息之朕。不遇則夜光投闇。路人眄而按劍。遇則抱石投水。雄主鷹若坻積。縛厥所繇。殆繫於主者之嗜好爲之。意氣爲之耶。抑時有顯晦。數有崎贏耶。論甘者忌辛。是丹者非素。毛嬙麗姬。魚見之而深藏。腐鼠甘帶。鵲臨之而遭嚇。此耆好之異也。伯松之於孟公。喧寂殊趣。孟堅之於武仲。長短相嗤。珀不引針。磁不拾芥。杜預斥公羊。非太官之上廚。荆公薄明允。祇策士之餘習。此意氣之異也。或未適之。謝眺意淺而遭擯。或已退之。江淹才疲而莫賞。卞和厄窮於再獻。顏駟蹇剝于三好。此年力有早暮。故顯晦殊時也。太初學官。仲公羊而絀左傳。陸氏釋文。進莊周而退孟子。建武革運。九流雲驤。馮敬通不能得之於世祖。西州之士。望景輻湊。趙元叔不能得之於度遼。此運會有奇偶。故崎贏異數也。凡茲諸科。非巧歷之所能算。故有在遠而潛契。吳石叩於蜀桐。有當前而遽隔。

越肝乖於楚膽。茲遇合之大凡。亦精微之篤論。不可不察也。

三月二十日夜望月

老薛侵殘月。高枝挂一星。殷床諸籟寂。排闥一燈青。蹇劣嗟無補。詞章信有靈。誰爲疏鑿手。五嶽獻真形。

家忌日

慈蔭如天往劫淪。卅年前事劇傷神。墓田告誓遲初服。風雨高邱泣罪人。鄉社村村作寒食。鬢毛颯颯枯吾真。口中銜闕無由訴。宛轉霄垠自苦辛。

榆頌

屈蟠下洞龍蛇窟。精氣已交風雨會。寄此千年如古社。無風自發笙竽籟。人間笑煞支離疏。呼吸鴻濛遊數外。上枝挂漢捫參井。附柯揖攘相鉤帶。得茲真宰襲氣母。大隱無文亦無害。閱盡長安如弈枰。雲浮西北看車蓋。

詩格

詩格漸卑如擊壤。亦參禪偈老寒山。沈洋適我窮年志。嗤點由他外論訕。胸有桃源能避世。官如薪積且偷閑。忽看金史南遷事。雪沒窮邊木葉山。

誦陶詩有客常同止一首戲作

趣舍由來真各適。慎言依隱不離羣。陶公獨醉還相笑。列子連牆了不聞。於總持門何所見。當敷坐處苦

長勤村夫學老莊者也。傳山語忙裏偷閑且解紛。

砭風

豈繫風輪之持世兮。乃迴薄乎長空。慙旱苗之龜坼兮。病二麥以傷農。禱彼握奇之靈后兮。施神力以返風。鍵爾於青邱之囊口兮。雨師乃得而奏功。竭精誠以申訟兮。晞潛格於昭融。

遣興

新綠已瑩窗。殘紅猶照席。緬懷西郊路。怊悵增闔隔。久旱土虬枯。焦原傷二麥。園籬阻麗矚。蔬甲憶小摘。兒如阿宣頑。不好親書策。作字如栖雅。往往軼界畫。日力歎虛費。不菑何有穫。有子賢與愚。昔人懷抱釋。杜集陶公避俗翁未必能達道有子賢與愚何必挂懷抱且貰其勤惰。何煩水投石。騰騰聊任運。浩浩姑忘適。吾衰已頭風。逃虛思卜宅。露書督諸兒。且爲樹雞欄。

院內有海棠一株得雨將放。三月廿六夜始得澍雨

久寄重門寂寞中。芳時忽遇碧紗籠。朱唇含笑偏宜雨。老榦孤撐不喜叢。迴眄上林空色相。何人妙墨寫屏風。年年佳會花之寺。此日開樽孰與同。

菰米粥

日啖雕菰一木瓢。坐忘簾外雨瀟瀟。不須更侑客孃曲。夢到松陵第幾橋。

伏讀秦陵御饌語錄。有足成寒山子詩二絕。其一云。瞋是心中火。能燒功德林。欲求除黑業。戒忿謹

真心其一云。情是身中水。能迷般若津。欲求修白業。戒慾護真身。至哉聖諦。一經拈出。於大易損卦之誼同符。小臣稽首讚歎之不足而述是詩。

兩偈空龍藏。千燈只一光。神針爲指示。窮劫有津梁。露灑思林淨。雲融火宅涼。止觀權兩照。尸羶實俱忘。簾子衣還解。辛門宿有糧。散花都不著。飄瓦亦何妨。試覓經行處。重參宴坐場。流傳石壁句。拈出藥方良。戲作俳詩呈叔基子封。

好憑沈五石能撞。祇仗朱三筆可扛。奴子高燒官蠟一。庖丁日費膳雞雙。重門深鎖難賒酒。病榻無聊獨瞰窗。過了郊原春浩蕩。幾時逃谷訪疎覓。

詠井

露井依桃樹。風枝縱復橫。乍看修綆汲。不用轆盧鳴。花落浮香出。瓢傾暈碧生。繫腰觀亦可。從笑學錢鏐。又設爲子封戲答。

批風抹月且休論。華士游談恐不根。此面無私嫌太冷。上頭有佛法稱尊。雌黃信手將毋滑。簡亦稀通亦苦煩。簾外海棠開過了。角巾未放出修門。

又次韻

似觀家伎奏緣撞。筆力伊誰鼎可扛。史韻目光甯有四。孫宏首選竟無雙。痕餘耗耗他年酒。夢到醅醖舊宅窗。欲掃淫哇尋雅奏。沈思何處谷音登。

春晚雜興懷蓴客子培

牆外平蕪綠映城。危臺望不見崢嶸。澗河應漫春流細。飛絮偏繁落照明。貫院枕泡子河。元之會通河也。又有元郭太史守敬觀象臺。白戰恰宜裁禁體。烏稽未必昧諸生。策題有東三省形勢。沿革一條。佳卷甚多。庸工傷斲徒顏汗。閑煞幽人袖手行。

再設爲子封和落卷詩

花落餘春尙戀柯。因風迴胃露絲窠。掃如梨几塵難淨。疲似松煙墨畏磨。璫甚瑯絳同季緒。可能棄寘寤連波。須防過眼迷離處。門外青袍會見訶。

上司空壽陽祁先生二十韻

清襟照一世。天子重文衡。妙簡黃羊老。心真絳帖平。神奇出陳腐。蘭茝擢榛荆。璫闔重門靜。秤量一字精。理如觀月顯。斤快運風成。淘洗吳城劍。裊饒楚客英。泉疏晉祠碧。箭探會稽萌。字書筭。竹萌也。得士方嘉慶。疑年四老更。嘉慶四年己未。大興朱公儀徵阮公主會試。得士之盛。前後稀有。榜題懷秀野。文端公常勝門云。今科虞山公爲正總裁。公與閣學長白霍公貴筑李公爲副總裁。榜題懷秀野。艸堂小秀野花市街。槐市隔新晴。客致張何雋。門兼韋杜榮。謂苗仙麓。張石洲。何願船。何蛟更。鎔裁砭札苗。點勘費燈檠。亮節朝廷舊。穹標世德閑。感通寶鏡躍。心迹野漚盟。竊吹參詳末。深慙薄植輕。仰資宗匠力。虛費鏤脂程。花發朱闌亞。堂疑綠野行。儀鸞供帳肅。爆竹溼薪聲。故事柯亭續。分曹笋束呈。馬懸門下格。刀入匣中鳴。會看珍奇果。金杵侍史擎。

呈同事諸君

略似蜂房各閉門。廚烟相續恰成村。衰遲幸逐金閨彥。十六人皆翰林官點勘同開瓊院樽。莎柵可如同

春榜將放作

三句且喜隱壺中。世事如烟百不通。出世擬尋方外術。奇文欣賞辯才工。簷前榆柳縈新綠。井畔棠梨積
小紅。多少青袍門外客。吹噓賦待奏河東。

午枕

纔得西窗放腳眠。黃雲一穗鳥爐烟。忽思西塞山前路。又到斜風細雨天。

分校事畢虞山壽陽兩公真酒命集作

融冶羣言夙所欽。光風徧飮意愔愔。心如明鏡纖豪見。後漢書。董扶。襄。纖。芥。之善。貶秋豪之惡。酒似春江色味深。礫落不科
蟲篆細。粗浮一洗鄭蛙音。傳杯散作烟燭氣。種出他年松栢林。

擬贈諸新先輩

科目蟲珣已積疲。虞山老子起扶衰。相期幹涉爲時用。一掃俳優返雅詞。差幸持籌依孟子。七發。便婦之倫。使奏方術。

孟子持籌而算之萬不失一。

敢云識寶似波斯。無忘釋菜呈身始。題字新礪太學碑。

予別家月餘。園中松忽枯。變作赤葉。枝條盡禿。俯仰之間。景物頓異。夫欲炙之士。營名之客。朝榮夕
頽。曾不自覺。促景奔輪。瞬息百變。自天眼觀之。殆不啻朝菌之壽。人之居此世者。謂之何也。爰作詩